

蒙兀兒史記

結一宦主人

拾

自題

阿只吉出伯列傳第二十四

蒙兀兒史記卷第四十二

武進屠 寄纂

阿只吉察阿歹曾孫也

元史宗室世系表誤差前一代

祖木阿禿干從成吉思汗征西

域戰死巴某

事詳本書西域傳

父不里蒙格汗時爲巴禿所殺阿只吉與兄

阿卜失台哈薩兒畱漢地襲領本部軍在西京太原者

太原本察阿歹分地至元七年

九月本紀稱西京饑穀諸王阿只吉所部就食太原知西京亦有其部人

聽忽必烈汗潛邸徵調

忽必烈汗當蒙格汗時盡主漠南漢地軍國事故

歲庚申忽必烈汗召集忽里勒塔之會於龍岡右手大王惟阿只

吉及斡歌歹汗庶子合丹闊列堅之孫忽魯歹赴會以翊戴功蒙

厚賞特被信任皇子北平王那木罕之被劫於阿力麻里克也西

北軍中驟無主忽必烈汗命阿只吉建牙別失八里鎮之

阿只吉出鎮別失八

里本紀無年分可考但觀至元十六年賜阿只吉所部軍糧馬羊之數約略可知

兼轄天山南路畏兀兒合刺火者及

哈密力等處屯戍軍事

至元十九年本紀云的斤帖林以已資充屯田費阿只吉以聞按斤帖林爲哈密力城主以此知哈密力亦受阿只吉節制

至元十六年給所部糧五千石軍馬五千匹羊萬墩後二年又給

糧六千石自太和嶺

今雁門關所在之山

至別失八里爲置新驛三十所以速

軍報阿只吉本部在太原而戌軍在北庭阿只吉出私馬助軍朝廷償其直

別給鈔令購牛及農具籽種與其分地貧民耕種自贍當是時阿

只吉族人篤哇黨圯海都竄擾天山南北勢張甚阿只吉及皇子

西平王奧魯赤與戰敗績畏兀兒之地大困二十二年丞相伯顏

來視師朝議以別失八里行軍事專委伯顏阿只吉王府官及李

樂台右萬戶府寮但主畱務李樂台成吉思時右萬戶李幹兒出之子此時李樂台已卒其子玉昔帖木兒襲職以世勳入爲都臺御史大夫

至元二十三年本紀仍稱李樂台夫至元二十三年本紀仍稱李樂台帶者以位言不以人言且軍事本屬樞密院當時御與玉昔帖木兒會議者正以彼本右萬戶身雖在朝府在金山也阿只吉既失

律用舊恩不加辜但不任以戰事而賞賜仍不輟本紀至元二十五年賜阿赤吉金二百五十兩

銀二萬五千五百兩鈔九千挺紗羅綿布有差阿赤吉即阿只吉鐵穆耳汗嗣位之初其部下玉速福以屢

叛伏誅辜亦不相及仍賜所部有加元貞大德間兩次賜鈔四十萬挺糧萬石大德八年給馬料價鈔三千九百挺又與

安西王阿難答諸王也速不干同賜鈔萬四千挺又皇慶二年十二月本紀書發米振阿只吉部不稱諸王其時阿只吉已薨所謂阿只吉以位直不以人言也時諸王雜

居漢地者所在芻牧擾民每出畋獵率取民車牛載獲或且食宿

民舍阿只吉駙太原河東之民困於供億有詔詰責則以貧乏爲

辭乃歲賜糧萬石別給鈔二萬挺使營子錢以所入供出獵廩膳

毋再勞民。七年以太原地震成災，民饑，重申前禁。然其部狃於故

習，仍因獵擾民不止。

本紀延祐六年十一月，中書省臣言：「曩賜諸阿只吉鈔三萬挺，使營子錢以供戰獵，庫廩毋取諸民。今其部阿魯忽等出獵，恣索

於民，且為姦事，宜令宗正府刑部訊鞫，之以正典刑。制曰：「可按阿魯忽。」

阿只吉薨。

薨年史無明文，約在

大德八年

子禿剌襲領其軍。

世表以越王禿剌為阿只吉之孫，威遠王忽都鐵木兒之子。然

有七年禿剌必非其子。

禿剌少以勇力聞。大德末，鐵穆耳汗昇遐，無嗣。巴牙兀

可敦與左丞相阿忽台等議推嗣安西王阿難荅承大統。右丞相

哈刺哈孫黨於海山汗兄弟，密使分召之。愛育黎拔力八達汗自

懷先入，謀除異已。先阿忽台，而阿忽台多力，人莫能近。八達汗乃

與禿剌謀，使帥潛邸衛士直入大內，手縛阿忽台，并其黨。諸王明

理帖木兒帥左右格鬪，不勝。

乞迷亞可丁書稱率眾與戰，按宮闈非大戰之地，殆格鬪耳，以意改正。

與阿難荅

及巴牙兀可敦同被執，幽宮中。尋出阿忽台等於宮論殺之，而送

阿難荅明理帖木兒於上都，賜死。巴牙兀可敦亦廢徙東安州。自

盡大事遂定。海山汗即位，第功封禿剌越王，金印獸紐，三宮盡幸

其第，賜鈔萬挺，以紹興路為食邑。

紹興本唐越州，故以越為封號。哈刺哈孫傳乃謂以慶元路為食邑，慶元為唐明州，殊與禿剌

然秃刺自以為功高賞薄內懷怏怏至大元年秋海山汗幸涼

亭上都涼亭之亭將御舟秃刺遽前止之汗問何為秃刺曰人亦有言一箭

中麋毋曰自能百兔未得未可遽止此蓋蒙兀儕輩相靳之鄙諺

而秃刺出之御前不遜海山汗由是銜之既而大宴萬歲山秃刺

醉起解御賜金帶擲地瞋目謂汗曰爾與我者止此耳汗益疑其

有異志明年正月命楚王牙忽都丞相康里脫脫平章赤因帖木

兒世表阿只吉有子赤因帖木兒疑即此平章鞫之辭服遂賜死又明年三寶奴誣告寧王闊

闊出謀不軌秃刺子阿刺荅失里許助力元明善太師淇陽忠武王碑云孫女五人次三曰不魯合只罕為越

王阿刺荅失里妃即此秃刺子武宗紀作阿刺納失里女宗紀作阿刺忒納失里嫌與豫王同名易混今從碑獄成寧王廢徙高麗同時竄

阿刺荅失里及其祖母母妻於伯鐵木兒所泰定初雪其冤賜環

命鎮沙州沙州在察阿歹分地二十四城內前後賜鈔九千挺天曆初有推戴功明年

十一月以其父越王秃刺印予之至順元年五月遣鎮西番舊紀誤

王豫越二字北音相近秃刺舊傳云子西安王阿刺忒納失里天曆初以推戴功進封豫王又為本紀所誤然明南北監本元史世表越王秃刺位下闕其子名爵清朝武英殿本元史誤據秃刺

舊傳於越王秃刺下矣補豫王阿刺忒納失里名爵又於西平王與魯赤位下明豫王阿忒思納失里名爵於雲南王老的罕下於是一時有兩豫王然諸王表豫王下止有一人名阿忒思納失

里也餘詳明年中書省臣言越王禿刺在曲律可汗原在武宗時以紹興路

為食邑歲割賜本路租賦今其子阿刺荅失里原作阿刺襲王號宜

歲給其半圖帖睦爾汗從之後無聞

出伯一作朮伯旭烈兀之孫也旭烈兀十三子按之中西書可考知者九人不知出伯

亦作朮伯旭烈兀之孫也旭烈兀十三子按之中西書可考知者九人不知出伯

元玄孫之位以為哈兒班荅之子大誤考多桑書合兒班荅生於西一二八一年即至元十八年

而元史世祖紀至元二十年正月即書賜諸王出伯印其年合兒班荅止二歲耳世豈有二歲之

父乎其誤可知矣旭烈兀開藩西域子孫世襲波斯阿刺黑汗其它子孫亦

多仕於本藩次子出木哈兒附阿里不哥中統初為之前唯出伯畱漢地海都

篤哇之亂出伯帥所部蒙兀軍及探馬赤軍色目種人成為朝廷捍

禦西陲置本營於甘州兼領瓜沙以西北至合刺火者畏兀兒地

征戍事隴右諸王駙馬及兀丹等處宣慰司都元帥吐蕃烏思藏

宣慰司鞏昌等處便宜總帥府並聽節制本紀至元二十五年十月始見烏

司也二十六年五月軟奴玉朮私以金銀器皿給諸王出伯合班等云云玉朮汪木名字互差蓋

玉為汪之誤木為朮之誤也元貞二年九月出伯言汪總帥等部貪乏云云据是足証烏思藏宣

慰司及汪總帥並受轄於出伯至元二十年賜銀印龜紐諸王表二十五海都叛黨玉論亦

十一年。部將兀渾察以游擊之師。巡乞思合兒。敗敵兵二千。禽其一將。二十五年。海都犯邊。出伯總駙馬昌吉諸王也。只烈察吉兒合丹兩千戶軍。出征有功。一歲中賜金二百五十兩。銀七萬五千

二百五十兩。幣帛紗羅二萬匹。後二年。章吉寇哈密力。

章吉亦作掌吉。疑即駙馬昌吉。

二十五年後叛。附海都者實翁吉刺氏。唆兒火都。即只兒幹帶之孫。掌吉之名見特穆禪傳。哈密力原作甘木里。今新疆之哈密廳時為畏兀兒地。

出伯與諸王伯

荅罕

阿開王忽魯歹子。

亦憐真

闊端孫蒙哥都子。

擊走之。三十一年秋。鐵穆耳汗以出

伯部四百餘戶告饑。命徙其家屬就食內郡。仍賜其奧魯軍年例

鈔三千挺。元貞初。立都元帥府於北庭。以平章政事合伯

一作昂。為都

元帥。江淞行省右丞撒里蠻副之。皆佩虎符。與孛來將探馬赤軍

萬人出征。別立都元帥府於曲先塔林。以驥都察佩虎符為都元

帥。竝受出伯節度。尋分出伯所統探馬赤及紅襖軍各千人。隸西

平王奧魯赤。當是時。朝廷宿重兵和林。以西陲軍事委之出伯。出

伯治軍嚴重。常堅壁壘。遠斥堠。以待敵。來則峻拒。去勿深追。無大

勝。亦無大敗。而海都篤哇兵勢亦趨重東方。以是出伯在邊十餘

年河西編氓耕牧不驚諸王將拱聽約束朝廷無西顧之憂出伯請汰所部探馬赤軍懦弱者三千人代以精壯朝廷從之但命非奉旨毋擅徵發尋給軍馬七千二百匹糧萬石事在元貞二年又以邊地沙磧乏芻大德初特給征行馬粟四年賜所部鈔萬五千四百挺五年七月又賜六萬挺別給市馬直三十八萬四千挺是月又與諸王妃札忽兒眞同賜鈔四十萬挺一時寵眷西道諸王莫與爲比會海都死察八兒嗣朝廷未審其向背六年二月益出伯軍三千人馬二匹官給其直又籍甘州善射者二千人隸之使嚴軍以觀敵變明年察八兒請息兵鐵穆耳汗遣使撫納西北邊解嚴御史臺臣言瓜沙二州自昔爲重鎮今大軍屯駐甘州使官民反居邊外非宜乞以蒙兀軍分鎮險隘立屯田以供軍實八年春遂命出伯所部軍屯田辟出合出谷給軍馬萬三千五百匹帛四百端是年十二月以積年防邊功特封威武西寧王換金印駝紐明年賜鈔三萬挺又明年命領甘肅等地軍站事賜鈔如前數海山汗

卽位。進封幽王。賜金印獸紐。出伯請拘括瓜沙屯戶。逋戶漸丁隸所部。中書省臣議弗從。以二州雖諸王分地。其民役於驛傳故也。出伯戍地。西接兀丹。兀丹南有八荅山。產玉。古傳所謂羣玉之山也。常謫臯人采之。道遠。進奉勞費。至元中。朝廷嘗賜出伯銀幣累鉅萬。載以官驢。至則并賜之。時桑哥當國。謂不若以驢載玉而回。至大初。出伯又進玉六百十有五斤。賜金千五百兩。銀二萬兩。鈔萬挺。從人四萬挺。據此知桑哥曩年請以官驢載玉而回。爲國省費不少。正不得以人廢言。會撒的迷失。忙兀臺之孫。叛

掠出伯甘州輜重一空。中書省至大二年八月。請脩甘州城。因追述其事。則撒的迷失之叛。當卽在元年秋冬間。出伯尋薨。

子喃忽里襲。武宗紀至大元年十一月。賜諸王喃木忽里金印。喃木忽里卽喃忽里。金印卽幽王印。據此知出伯之薨。卽在是年之秋。舊紀失書耳。諸王表幽王喃忽里延祐七年襲。

封年分誤三年正月。賜鈔萬二千挺。三月。朝廷遣刑部尙書馬兒至

甘州。和市羊馬。分資所部軍。費鈔七萬挺。皇慶二年。又給喃忽里

等貧乏軍馬萬匹。紀稱始幽王喃忽里然非是年始襲封。仍與諸王火羅思迷句脫歡句

駙馬忙兀帶同賜金銀鈔幣有差。延祐二年。又給所部買馬鈔十

二萬挺。喃忽里薨。忽塔忒迷失襲。事在天曆二年。至順初。諸王秃堅拒命雲

南出伯後人不顏帖木兒自奮請給鞍馬從大軍進討圖帖睦爾

汗嘉其意許之明年事平入朝以功賜襲幽王

紀表作邵王辨詳世表攷証不顏帖木兒與忽塔忒

迷失不知是父子抑是兄弟然兄弟為似忽塔忒迷失襲位甫二年而代以不顏帖木兒似功鼻問題非先生問題

其年八月特命圍獵撫州

以自娛三年正月命甘肅行省為建府第後一月給以幽王祿

幽本

紀此處如字

及其王傳祿至正十二年出伯後王有鬼釐者襲封幽王以

斬馘西番叛酋功賜金束帶

論曰北庭扼天山孔道孤縣敵中以丞相伯顏之知勇當海都繁銳之師猶不免有洪水山之挫則阿只吉失律夫焉足責出伯南倚長城僅以西北二面當敵征戍二十年卒保瓜沙以東不涉戎馬之跡其封爵一等非幸致也海山汗得國不正本有疑忌宗親之心禿剌恃功怨望以口語之臯誅烏盡弓藏千古有同慨矣

者卜客客列亦速哥列傳第二十五蒙兀兒史記卷第四十三

武進屠 寄簪

者卜客札刺亦兒氏國王木合黎之季父也用父帖列格禿伯顏
命事成吉思汗之弟合撒兒四駿之一孛羅忽勒即者卜客得之
主兒乞遺營歸以獻訶額侖可敦爲養子者也歲庚申成吉思與
四種塔塔兒戰於荅闌捏木兒吉思之地合撒兒不在軍中時翁
吉刺部族駐牧合勒合水下遊捕魚兒海子口者與乞顏惕世昏
中立而心附成吉思忽有流言謂其叛去者卜客聞之以告合撒
兒實則無其事合撒兒不告成吉思而往掠之大受成吉思詰責
然翁吉刺以無端被掠爲憾竟叛附札只刺部長札木合而與於
刊沐漣之盟時論頗咎者卜客諜報不審致衅而成吉思不辜也
歲丙寅大封功臣者卜客仍封左翼千戶八十八功臣之第四十四明年皇子拙赤
平禿縣斡亦刺成吉思分其降民於子弟合撒兒分得四千人使
者卜客領之未幾汗入妖巫闊闊出讒言疑合撒兒欲殺之以訶

額命可敦之解而止。然終削其兵柄，奪去分民之太半。

奪去三千六百人，僅留二千四百。

者卜客懼禍及，入巴兒忽真之地。久之，合撒兒事白，乃還復爲

領軍。歲戊寅，奉使如宋。

元史石桂傳之葛不罕，卽者卜客之音差。

辛巳，宋使苟夢玉來報聘。

行在阿梅河南。

耶律鑄變後醉隱集云：昔我太祖皇帝出師問旱西域，辛巳歲夏，駐蹕鐵門關，宋主寧宗遣國信使苟夢玉通好，乞和云云。按之長春西遊記，辛巳

歲夏成吉思已渡阿梅河而南，不在鐵門關，成仲所記殊誤。

引見之。夢玉言南北連和夾攻金人之利，汗

以爲然，敕宣差耶律阿海護送還其國。其議未及行，而成吉思汗

姐歲庚寅，幹歌歹汗大舉伐金。辛卯，克鳳翔，詔皇弟拖雷遣者卜

客爲使如宋。先是，金人南遷，阻黃河潼關之險，以自固。蒙兀頻歲

攻之，不得志。有降人李昌國者，進幹腹之策於拖雷，謂若出寶雞

入漢中，不一月可達唐鄧，則金人黃河潼關之險不攻而自失。竝

繪師行所當歷之山川城塞關隘津梁，具圖上之。拖雷以聞，汗善

之。然散關以外，皆宋地也。及是，鳳翔旣下，乃使者卜客假道於宋。

且申前約。時宋桂如淵爲四川置制使，其沔州統制張宣駐軍青

野原，誘致者卜客，使部將曹友聞殺之。

曹友聞，雙溪醉隱集引理宗川作曹萬戶而不名。

拖雷聞

之大怒。謂在軍諸王大將曰：彼自食言棄好，輒殺我使。今日之事，曲直有歸，可下令諸軍分攻城堡關隘。由是長驅入漢中。此爲宋人與蒙兀肇衅之端。李昌國，本名邦瑞，以字行。京兆臨潼人，世農家。昌國幼嗜學，讀書通大義，嘗被北軍所掠，逃至太原，爲金將小史從守閭漫山砦。國王木合黎軍入河東，攻下諸城，辟金將遁昌國帥衆來歸，復居太原。久之，守臣惜其材，具鞍馬遣詣行在所，中書以名聞。庚寅，奉使如宋。至寶應，不得入，未幾命復往。仍諭山東淮南路行省李全護送。宋仍拒之。復奉詔以行，改道出蘄黃，宋遣賤者來迎。昌國怒，斥去之。宋改命行人，乃議如約而還。幹歌互汗勞之，賜以車騎旃裘及白金十挺。其後拖雷用其幹腹之策，果奏三峰之捷。而孟珙以軍糧助攻蔡州，卽踐昌國前約也。甲午，金平昌國奏言：干戈之際，親戚離散，乞歸尋訪。汗嘉其功，許馳驛往河南，并諭速別額台。句察罕。句耶律禿花。舊傳作匣刺達，海譯文差異。諸將凡昌國親戚或有被俘隸諸部者，歸之。是歲，命從皇子闊出經略淮漢。舊傳

作經略河南按其時河南已平當南侵宋邊矣

賜佩金符爲宣差軍儲使明年六月卒子榮

速哥客列亦氏

舊作法列氏

世傳李唐外族

客列亦爲突厥之類唐嘗嫁公主於突厥此云李唐外族豈速哥先人爲唐公主所出乎

父懷都從成吉思同飲巴

湖

渚納水開國功臣千戶

功臣第四十九

速哥

爲人外若質直內實沈勇有謀雅爲幹歌互汗潛邸所知汗卽位

謀伐金使速哥往覘國情語之曰卽不還子孫無憂不富貴速哥

頓首曰臣死職耳然奉陛下威靈以往可無慮也汗說賜以御騎

及河金人閉之舟中七日始登南岸又三旬乃達汴比廷見金主

速哥大言曰天子爲爾土地日蹙民力日疲故遣我致命爾能共

脩歲幣通好不絕則轉禍爲福矣謁者令下拜速哥曰我大國使

爲爾屈乎金主弗強命取金卮勺酒賜飲曰歸語汝主必欲加兵

敢悉索敝賦以相周旋歲幣非所聞也速哥醺畢懷金卮以出佯

爲不智以懈金人歸途金人果不復猜防遂默識所過關河津渡

水之淺深地之夷險旣復命出懷中金卮以獻汗喜爲之兆曰我

得金於汝手中矣復以賜之始下令徵兵南伐歲壬辰大軍臨河

北白坡鎮。方舟欲渡。金師嚴陳河南。汗令儀衛導速哥居中行。躬

帥偏師乘陳西水淺處策馬涉河。

時正月五日。河水未泮。

會拖雷軍亦自襄鄧

至。兩軍夾攻之。及金山。詔賜金護駕士五人。曰。旌汝使不辱命也。

以前過崞州盜殺其馬。至是兼以崞民賜之。歲乙未。汗從容語速

哥。朕將官汝。西域中原唯所擇。速哥再拜曰。幸甚。臣意中原便於

是制。詔若曰。西山之境。八達嶺以北。

八達嶺蒙古謂雁門關所在之山。

汝則主之。汝於

城中構大樓居其上。使人皆仰望汝。汝俯而諭之。顧不偉乎。乃以

爲山西也。客荅魯合臣。

魯合臣

受命方出。有回回六人以訟事不實。將

抵辜。遇諸塗。連哥屬監者姑緩其刑。卽入復見汗。奏言此六人者。

名著西土。徒以小辜誅之。非所以懷遠人也。願以賜臣。臣得意辱

之。

意辱謂以已之意辱之不用刑法也。

使自悔過遷善。爲它日用。殺之無益。汗意解。召六

人者至。謂之曰。生汝者速哥也。其善事之。至大同治。擇而用之。後

有至大官者。速哥卒年六十有二。贈推忠劄運同德功臣。太師開

府儀同三司上柱國。追封宣寧王。諡忠襄。子六人。曰長罕。曰玉呂

忽都撒曰合里都皆從兀魯赤太子出征以戰功顯第四子曰忽
蘭以母后戚故得襲職乙未之括戶也前賜崞人籍隸有司別賜
三百戶兵後山西多盜有甄軍判者帥其黨往來阜平曲陽間殺
人渾源界而奪之財州以失捕時於法當償忽蘭曰此劇盜非州
所能制即發所部兵捕斬之性好佛嘗施千金脩龍宮寺建金輪
大會飯贈萬人卒年四十有二贈太保金紫光祿大夫上柱國追
封雲國公諡康忠子天德于思中統初襲職自中山北來適用兵
阿里不哥舊傳云適有邊警不言其名諱之也命督造兵甲撫循所部邊民以勞賜馴豹
名鷹使得縱獵禁地異數也卒年三十有九贈太傅儀同三司上
柱國雲國公諡顯毅忽蘭之弟曰忽都兒不花曰不花無間有

唐慶者不詳其貫成吉思汗時來歸權元帥左監軍舊傳云事太祖為萬戶不知當時無

漢軍萬戶也歲丁亥賜佩金虎符假龍虎衛上將軍使金南京議款壬辰

正月大軍既克鈞州幹歌互汗復使慶為國信使入汴責取質子
歲幣以金曹王訛可來朝汗官山行在七月奉使再往諭金主黜